

Na osnovu člana 43b., a u vezi sa odredbama čl. 4. i 14. Zakona o državljanstvu Bosne i Hercegovine ("Službeni glasnik BiH", br. 4/97, 13/99, 41/02, 6/03, 14/03, 82/05, 43/09, 76/09 i 87/13), Ministarstvo civilnih poslova Bosne i Hercegovine donosi

**PRAVILNIK  
O IZDAVANJU GARANCIJE U POSTUPKU STICANJA  
DRŽAVLJANSTVA BOSNE I HERCEGOVINE**

**Član 1.**

(Predmet Pravilnika)

Pravilnikom o izdavanju garancije u postupku sticanja državljanstva Bosne i Hercegovine (u daljem tekstu: Pravilnik), propisuje se nadležnost, uvjeti i način izdavanja, rok važenja, svrha i mogućnost opoziva garancije, rok za izdavanje i stupanje na snagu garancije, način oslobađanja od njenog pribavljanja, te nadležnost za propisivanje i elementi koje sadrži garancija i način davanja saglasnosti Ministarstva civilnih poslova na istu.

**Član 2.**

(Nadležnost, rok za izdavanje i stupanje na snagu garancije)

- (1) Garanciju izdaje nadležni organ entiteta (Federalno ministarstvo unutrašnjih poslova i Ministarstvo uprave i lokalne samouprave Republike Srpske), uz saglasnost Ministarstva civilnih poslova BiH (u daljem tekstu: Ministarstvo), u roku od 60 dana od dana podnošenja zahtjeva sa propisanim dokazima.
- (2) U izreci garancije mora se naznačiti da ista stupa na snagu danom davanja saglasnosti Ministarstva.
- (3) Ako stranac iz člana 2. stav 1. Pravilnika ne dostavi dokaz o prestanku stranog državljanstva u roku važenja garancije postupak se obustavlja, osim u slučaju iz člana 5. stav 2. Pravilnika.

**Član 3.**

(Uvjeti za izdavanje garancije)

- (1) Strancu koji ima strano državljanstvo, a koji je podnio zahtjev za sticanje državljanstva BiH, u smislu odredaba čl. 9., 10., 11., 12. stav 2. i 12a. Zakona, ako ispuni Zakonom propisane uvjete, može se na njegov zahtjev izdati garancija da će steći državljanstvo BiH, ako se odrekne stranog državljanstva ili ako mu strano državljanstvo prestane na drugi način.
- (2) Podnesak iz stava 1. ovog člana sadrži dva zahtjeva: zahtjev za sticanje državljanstva i zahtjev za izdavanje garancije, odnosno za oslobađanje od pribavljanja iste.
- (3) Garancija iz stava 1. ovog člana tretira se kao prethodno pitanje u postupku sticanja državljanstva BiH.

**Član 4.**

(Rok važenja, svrha i mogućnost opoziva garancije)

- (1) Garancija se izdaje sa rokom važenja od dvije godine i služi za dobijanje otpusta, odnosno odricanja od stranog državljanstva.
- (2) Garancija se može opozvati ako stranac, do sticanja državljanstva BiH, više ne ispunjava bilo koji uvjet koji je neophodan za sticanje državljanstva BiH.
- (3) Ako se garancija opozove u smislu stava 2. ovog člana, zahtjev za sticanje državljanstva se odbija.

**Član 5.**

(Oslobađanje od pribavljanja garancije)

- (1) Stranac iz zemlje sa kojom BiH ima zaključen Ugovor o dvojnomo državljanstvu i stranac koji je podnio zahtjev za sticanje državljanstva BiH u smislu odredaba čl. 11a., 12. stav 1. i 13. Zakona, ne pribavlja garanciju, a što se za lica iz čl. 11a. i 12. stav 1. konstatira u obrazloženju rješenja o sticanju državljanstva BiH.
- (2) Izuzetno, ako strancu odricanje nije dozvoljeno ili se ne može razumno zahtijevati u smislu odredaba čl. 9. tačka 6. i 10. tačka 2. Zakona (ratno stanje i druge vanredne okolnosti), nadležni organ može mu dozvoliti zadržavanje ranijeg državljanstva i osloboditi ga pribavljanja garancije, što se konstatira u obrazloženju rješenja o sticanju državljanstva BiH.
- (3) Rješenje o oslobađanju od obaveze pribavljanja garancije iz stava 2. ovog člana donosi Ministarstvo.

**Član 6.**

(Sadržaj garancije i saglasnost Ministarstva)

- (1) Sadržaj garancije propisuje Ministarstvo. Obrazac garancije se nalazi u prilogu ovog pravilnika i čini njegov sastavni dio, ima dimenzije 210x290 mm i sadrži sljedeće elemente:
  - a) naziv Bosna i Hercegovina, naziv entiteta i organa koji izdaje garanciju;
  - b) broj i datum izdavanja garancije;
  - c) broj akta i datum davanja saglasnosti Ministarstva;
  - d) pravni osnov izdavanja garancije;
  - e) podaci o licu kome se izdaje, ime i prezime, datum i mjesto rođenja, država rođenja, sadašnje državljanstvo, podaci o roditeljima;
  - f) rok važenja garancije sa klauzulom sljedećeg sadržaja: "garancija se izdaje sa rokom važenja od dvije godine, računajući od dana davanja saglasnosti Ministarstva, pod uvjetom da lice do isteka roka važenja garancije ispunjava uvjete za sticanje državljanstva propisane Zakonom";
  - g) potpis odgovornog lica i pečat nadležnog organa.
- (2) Saglasnost Ministarstva sadrži memorandum Ministarstva, broj i datum akta, poziv na pravni osnov, potpis ovlašćenog lica i pečat Ministarstva, a daje se na prvoj strani ispod izreke garancije, ili na kraju ispod potpisa i pečata iz tačke g), ako nema mjesta na prvoj strani garancije, te na poledini zadnje strane, ako nema mjesta za saglasnost Ministarstva na toj strani.
- (3) Ministarstvu se, uz kopije spisa predmeta, na saglasnost dostavljaju tri primjerka potpisane original garancije, od kojih se, nakon davanja saglasnosti Ministarstva, jedan primjerak zadržava u spisu Ministarstva, a dva primjerka se vraćaju nadležnom organu radi uručenja jednog primjerka stranci i zadržavanja drugog primjerka u spisu predmeta.

**Član 7.**

(Stupanje na snagu i objavljivanje Pravilnika)

Ovaj pravilnik stupa na snagu prvog narednog dana od dana objavljivanja u "Službenom glasniku BiH".

Broj 06-1-30-2-197/14  
22. januara 2014. godine  
Sarajevo

Ministar  
Mr. Sredoje Nović, s. r.

**BOSNA I HERCEGOVINA**\_\_\_\_\_  
/naziv entiteta/\_\_\_\_\_  
/naziv organa/

Broj: \_\_\_\_\_

Datum, \_\_\_\_\_ /14

\_\_\_\_\_ (naziv organa), na osnovu odredaba člana \_\_\_\_ Zakona o državljanstvu (puni naziv entitetskog zakona), shodno odredbama Pravilnika o izdavanju garancije i o ispunjavanju uvjeta za naturalizaciju ("Službeni glasnik BiH", broj \_\_\_\_\_), rješavajući po zahtjevu koji je podnijelo lice \_\_\_\_\_ (ime i prezime lica), državljanin \_\_\_\_\_ (naziv države), u predmetu sticanja državljanstva Bosne i Hercegovine i \_\_\_\_\_ (naziv entiteta), i z d a j e

**G A R A N C I J U****ZA STICANJE DRŽAVLJANSTVA BOSNE I HERCEGOVINE I \_\_\_\_ (naziv entiteta)**

(1) \_\_\_\_\_ (ime i prezime, datum i mjesto rođenja, država rođenja, sadašnje državljanstvo, podaci o roditeljima), sa prebivalištem u \_\_\_\_\_ (naziv mjesta boravka u BiH, ulica i broj), stećice državljanstvo Bosne i Hercegovine i \_\_\_\_\_ (naziv entiteta), ako u roku važenja garancije dokaže prestanak stranog državljanstva.

(2) Garancija se izdaje sa rokom važenja od dvije godine, računajući od dana davanja saglasnosti Ministarstva civilnih poslova Bosne i Hercegovine, pod uvjetom da lice do isteka roka važenja garancije ispunjava uvjete za sticanje državljanstva propisane Zakonom.

(3) Ova garancija stupa na snagu danom davanja saglasnosti Ministarstva civilnih poslova Bosne i Hercegovine, a ako imenovani-a u roku važenja garancije ne podnese dokaz o prestanku ranijeg državljanstva, postupak se obustavlja.

**OBRAZLOŽENJE**

Shodno odredbama člana \_\_\_\_ Zakona o državljanstvu \_\_\_\_\_ (puni naziv entitetskog zakona) i Pravilnika o izdavanju garancije i o ispunjavanju uvjeta za naturalizaciju ("Službeni glasnik BiH", broj \_\_\_\_), garantuje se sticanje državljanstva Bosne i Hercegovine i \_\_\_\_\_ (naziv entiteta) imenovanom-oj (odnosno imenovanim), ako u roku važenja garancije dokaže-u prestanak svog ranijeg državljanstva, jer je-su uz zahtjev za sticanje državljanstva priložio-li sve potrebne dokaze o ispunjavanju uvjeta za naturalizaciju prema navedenim zakonskim odredbama..

Nastavlja se obrazloženje prema situaciji svakog predmeta..., a na kraju se dodaje klauzula:

"Garancija se može opozvati ako stranac do sticanja državljanstva Bosne i Hercegovine više ne ispunjava bilo koji uvjet koji je neophodan za sticanje državljanstva Bosne i Hercegovine".

**Pouka o pravnom lijeku:**

Protiv ove odluke nije dozvoljena žalba, ali se ista može osporavati u upravnom sporu podnošenjem tužbe kod suda \_\_\_\_ (naziv suda) u roku od dva mjeseca od dana uručenja.

\_\_\_\_\_  
/potpis ovlaštenog lica/

M.P.